

IB TUG UA NTAWV THOV LOS YOG TAU NTAWV POV THAWJ MUAJ LUB LUAG HAUJ LWM:

1. Xa, kom muaj txhij txhua thiab raws sij hawm, tag nrog cov ntaub ntawv thov daim ntawv pov thawj los yog thov kom pub ua mus ntxiv (xws li, daim ntawv thov, cov nqi them, cov foos hais txog qhia tawm keeb kwm yav dhau los, thiab lwm yam).
2. To taub thiab ua raws li cov cai tswj thiab cov hauj lwm kom ua ntsig txog kev tau daim ntawv pov thawj.
3. To taub thiab ua raws li cov kev qhia paub uas tau teev rau hauv tsab cai tswj ntsig txog koj qhov kev zov me nyuam (xws li, muaj kev piam sij rau qhov chaw zov me nyuam; xav tias tsam muaj kev tsim txom tsis saib tsis xyuas; txhua yam kev raug mob twg rau ib tug me nyuam uas yuav tau koj mus kho qhov raug mob).
4. Pub lub department tus neeg sawv cev mus saib tau tag nrho qhov chaw lub sij hawm ua hauj lwm, nrog rau tej ntaub ntawv khaws tseg.
5. To taub txog lub department tus neeg sawv cev txoj hauj lwm xyuas kom ua raws cai hais txog cov txheej txheem ua ntawv thov thiab tau ntawv pov thawj.
6. To taub txog thiab fwm lub department cov neeg sawv cev lub hwj chim los mus txheeb, tshawb nug thiab xyuas txhua yam hais txog kev tau ntawv pov thawj uas tau muab teev rau hauv cov cai tswj. Qhov no muaj, tab sis kuj tsis yog tas li no:
 - Qhov chaw thiab cov cuab yeej siv
 - Qhov chaw cov ntaub ntawv thiab kev khiav hauj lwm
 - Cov neeg ua hauj lwm keeb kwm dhau los thiab cov kev txawj thiab kev kawm ua tau txoj hauj lwm
 - Kev tsis txaus siab cov kev tshawb nug

Yog koj muaj lus nug dab tsi txog cov lus hais txog cov cai thiab cov luag hauj lwm no, koj hu tau rau qhov chaw khiav hauj lwm muab ntawv pov thawj rau koj cheeb tsam:

NORTHEASTERN REGIONAL OFFICE
200 North Jefferson, Suite 411
Green Bay, WI 54301-5191
(920) 785-7811
DCFlicBRLNERO@wisconsin.gov

NORTHERN REGIONAL OFFICE
2187 North Stevens St., Suite C
Rhineland, WI 54501-0697
(715) 361-7700
DCFlicBRLNRO@wisconsin.gov

SOUTHEASTERN REGIONAL OFFICE
141 N.W. Barstow Street, Room 104
Waukesha, WI 53188-3789
(262) 446-7800
DCFlicBRLSERO@wisconsin.gov

SOUTHERN REGIONAL OFFICE
PO Box 8947
Madison, WI 53708-8947
(608) 422-6765
DCFlicBRLSRO@wisconsin.gov

WESTERN REGIONAL OFFICE
610 Gibson Street, Suite 2
Eau Claire, WI 54701-3696
(715) 930-1148
DCFlicBRLWRO@wisconsin.gov

DCF yog ib tus tswv hauj lwm thiab yog ib qhov chaw muab kev pab cuam muaj vaj huam sib luag rau sawv daws. Yog tias koj muaj ib tus mob xiam oob qhab thiab xav tau cov ntaub ntawv no ua lwm hom, lossis xav kom muab txhais ua lwm yam lus, hu rau BECR ntawm dcfclicreg@wisconsin.gov, 608-421-7550 (siv dav dav), lossis Wisconsin Relay Service (WRS) 711. Rau cov lus nug txog neeg txoj cai hu rau 608-422-6889 (siv dav dav), lossis Wisconsin Relay Service (WRS) 711.

TUS UA NTAWV THOV / TUS TAU NTAWV POV THAWJ COV CAI THIAB COV LUAG HAUJ LWM

APPLICANT / LICENSEE
RIGHTS AND RESPONSIBILITIES

- Cov Chaw Zov Me Nyuam Hauv Tsev
- Cov Chaw Zov Me Nyuam Ua Pab Pawg
- Cov Chaw Zov Me Nyuam Mus Tsham Zoov Nruab Hnub



WISCONSIN DEPARTMENT OF
CHILDREN AND FAMILIES

*Wisconsin Department of Children and Families
Division of Early Care and Education
Bureau of Early Care Regulation*

<https://dcf.wisconsin.gov>

KEV NOJ QAB HAUS HUV, KEV NYAB XEEB THIAB KEV TAU NYOB ZOO NTAWM WISCONSIN COV ME NYUAM

Lub hom phiaj ntawm qhov muab ntawv pov thawj yog tsim tsa kom muaj cov hauj lwm yuav tau ua thiab cov qaug cag rau Wisconsin cov kev pab cuam zov me nyuam, cov kev pab cuam me nyuam hauv tsev thiab cov kev pab cuam me nyuam kom tau nyob zoo xwv kom tiv thaiv tau txoj kev noj qab nyob zoo, kev nyab xeeb thiab kev tau nyob zoo ntawm tag nrho cov me nyuam uas tau txais kev pab. Nws yog lub luag hauj lwm ntawm lub Department of Children and Families los mus tsim kom muaj cov cai tswj thiab cov cai kav rau kev muab ntawv pov thawj uas pom tseeb, hais meej, siv tau thiab siv cov cai thiab tsom kwm taug qab cov cai kom ua tau mus tib yam nkaus .

Lub department lees paub txog txoj kev qheb siab lug thiab ncaj ncees hauv txoj kev sib txuas lus mus los nrog cov neeg ua ntawv thov thiab cov tau ntawv pov thawj xwv kom tsim tau thiab ceev tau txoj kev ua hauj lwm mus zoo ua ke. Li ntawd, nram no mus yog ib cov lus hais txog cov cai thiab cov luag hauj lwm ntawm cov ua ntawv thov ntawv pov thawj thiab cov tau ntawv pov thawj.

IB TUG UA NTAWV THOV LOS YOG TAU NTAWV POV THAWJ MUAJ TXOJ CAI:

1. Sib cog koom tes ua hauj lwm ua ke nrog lub department los mus muab ib txoj hauv kev nyob nyab xeeb thiab loj hlob rau cov me nyuam.
2. Dim ntawm txoj kev cais neeg tsis raws cai vim los ntawm haiv neeg, tsos nqaij daim tawv, kev ntseeg, poj niam los txiv neej, kev sib deev txawv, keeb kwm teb chaws, kev zwm rau kev tswj hwm teb chaws, muaj mob xiam oob qhab, kev muaj txij nkawm los yog hnuv nyoog.
3. Thov thiab tau txais kev pab cob qhia los ntawm lub department tus neeg sawv cev los mus pab kom ua tau raws li cov hauj lwm tau ntawv tso cai.
4. Muaj tag nrho cov ntaub ntawv sau sib txuas lus mus los, cov kev tuaj saib qhia paub ua ntej thiab tsis qhia, kev tsis txaus siab cov kev tshawb nug thiab lwm yam dej num uas tau ua raws li cov qib kev cai uas muaj, cov cai tswj thiab cov cai kav.
5. Muaj ib qhov sib tham thaum yuav tawm mus nrog rau lub department tus neeg sawv cev thaum nws tas qhov tuaj saib xyuas los yog tuaj tshawb nug txog kev tsis txaus siab thiab tau txais cov ntawv sau txog cov lus tshawb tau sai tom qab ntawd.
6. Muaj kev cia siab tau tias cov ntaub ntawv tau los ntawm qhov tuaj saib xyuas los yog kev tshawb nug yog tau los ntawm qhov txhais tias muaj tiag, pom tseeb, tsis hloov rau sab twg thiab ncaj nruab nrab ntawm cov cai kav kev tau ntawv pov thawj.

7. Xa ib daim phiaj muaj cov tswv yim (plan) kho lub department cov lus tshawb tau los, thiab muab cov lus teb no cia ua ib feem ntawm kev tau ntawv pov thawj cov ntaub ntawv khaws tseg.
8. Raug saib kom muaj nqis, ncaj nruab nrab, hais lus zoo, saib muaj meej mom thiab ncaj ncees los ntawm lub department cov neeg sawv cev.
9. Qhia rau tus neeg saib xyuas muab ntawv pov thawj hauv cheeb tsam paub txog tej kev ua tsis yog ntawm kev siv cov cai los yog cov txheej txheem, tej kev nyias xav nyias txawv hais tsis sib haum, los yog tsis saib ncaj nruab nrab los ntawm lub department tus neeg sawv cev.
10. Ntsib nrog tus neeg saib xyuas muab ntawv pov thawj hauv cheeb tsam yog tus tau ntawv pov thawj thiab lub department tus neeg sawv cev tsis muaj cuab kav daws tau lawv cov kev hais tsis sib haum los mus daws lawv cov teeb meem hais sib txawv.
11. Tau txais ib tsab ntawv ceeb toom piav txog cov cai kom rov sib hais dua hais txog ib qhov hauj lwm ntawv pov thawj twg uas tau nqes tes ua raws li cov cai s. 48.715, Wisconsin Statutes.